



07132

詩氏族考卷第三

秦風

車鄰

秦仲

小序

古今人表列中中

秦仲公伯之子非子之曾孫為周大夫

竹書作大夫仲

二十三

年伐戎死之

正義曰鄭語云桓公問于史伯曰姜嬴其孰與對曰國大而有德者興秦仲齊侯姜嬴之雋也且大其將興乎

詩氏族考卷三

一翠琅玕館叢書

言秦仲國大故附庸而得有詩秦年表秦仲以宣王六年卒計桓公問史伯之時乃在幽王九年所以仍言秦仲者以秦仲有德故繫而言之秦仲以字配國者附庸未得爵命無諡可稱春秋附庸君例稱名寢之則書字秦仲又作宣王大夫史策之文正當書字故稱字配國也

史記周厲王無道諸侯叛之西戎反王室滅犬邱大駱之族宣王即位乃以秦仲為大夫誅西戎西戎殺之仲立二十三年死于戎有子五人長曰莊公周宣王乃召



莊公昆弟五人與兵七千人使伐西戎破之于是復秦仲後及其先大駱地犬邱并有之爲西垂大夫

駟職

襄公

小序

古今人表列中中作秦襄公

秦襄公名曰莊公之子在位十一年諡法辟地有德曰襄

李樛曰襄公秦仲之孫自非子已來世爲附庸未得王命及周幽王爲犬戎所敗平王東遷洛邑襄公將兵救周有功平王賜之地命爲諸侯案本紀平王封襄公爲諸侯賜之岐西之地曰戎爲無道奪我岐豐之地秦能攻逐殺戎卽有其地襄公十二年伐戎至岐而卒

詩氏族考卷三

二翠項汗館叢書

按史記莊公長男世父曰戎殺我大父仲我非殺戎王則不敢入邑遂將擊戎讓其弟襄公莊公卒太子襄公代立元年以女弟繆嬴爲豐王妻二年戎圍犬邱世父爲所虜歲餘復歸世父七年周避犬戎難東徙維昌襄公以兵送周平王平王封襄公爲諸侯賜之岐以西之地于是始國與諸侯通使聘享之禮襄公旣侯居西垂自以爲主少皞之神作西時祠白帝

其牲用騶駒黃牛牴羊各一云以知秦自非子至于莊襄常爲附庸平王之世始命襄公爲諸侯也

蒹葭

伊人

按史記犬戎與申侯伐周殺幽王驪山下而秦襄公將兵救周戰甚力周避難東遷雒邑襄公以兵送周平王蒹葭本襄公詩則水一方者洛也伊人者乎王也溯洄溯游襄公相從而遠送也李天生曰周之遺民不忘故主思乎王之在洛水一方者蓋言洛也惟詩人繫思不置故追敘送洛之時葭蒼露白道里阻長繪途中之景物紀閱歷之多艱而乎王之繫人思者深矣

黃鳥

穆公

小序 古今人表列中上作秦穆公

秦穆公名任好德公之子在位三十九年諡法布德執

義曰穆

尙書中候維天降秦穆公出狩至于咸陽天震大雷下有火化爲白雀銜綠丹書集于公車公俯取書言秦穆

公之霸也訖胡亥秦家世事

漢書秦穆公立病臥五日不寤寤迺言夢見上帝命穆公乎晉亂史書而藏之府

韓詩外傳禽息秦大夫薦百里奚小見納繆公出當車以頭擊蘭腦乃精出曰臣生無補于國不如死也繆公感悟而用百里奚秦以大化

山海經墨子曰昔秦穆公有明德上帝使句芒賜之壽十九年

文選西京賦昔者大帝說秦繆公而觀之饗以鈞天廣

詩氏族考卷三

四 翠琅玕館叢書

樂帝有醉焉乃爲金策錫用此土而剪諸鶡首李善注  
虞喜志林曰諺曰天帝醉秦暴金誤隕石墜謂秦穆公  
夢天帝秦樂已有此諺列仙傳贊曰秦穆公受金策祚  
世之業

文三年左傳秦伯伐晉濟河焚舟取王官及郊晉人不  
出遂自茅津濟封穀師而還遂霸西戎用孟明也

世本古義括地志秦穆公冢在岐州雍縣東南二里三  
良冢在雍縣一里故城內然則二冢迥不相及蓋從死  
而非同葬也三人者不食其言以死從君所謂殉榮樂

非所謂殉仁義也可與梁邱據安陵君同譏矣不足美也

人表考左傳曰秦穆亦單稱穆晉語曰秦公立三十九年葬雍橐臬宮新年館下 案秦伯之諡公羊史記作繆與穆同而史蒙恬傳風俗通皇霸篇以繆爲惡諡讀靡幼反宋姚鉉唐文粹有皮日休秦穆諡論及明楊慎二伯論竝從之

按秦穆公能悔過用賢而削患辟疆遂成霸業左氏言之詳矣今據中候漢書文選諸書多侈言天帝以

詩氏族考卷三

五翠琅玕館叢書

爲秦穆公鋪張盛美而授策饗樂更若超絕塵世列仙傳又謂以女弄玉妻蕭史公作鳳臺使居之其後夫婦且仙去恐亦後人傳會之辭

子車奄息 古今人表列上下

毛傳子車氏奄息名

廣韻以奄爲姓非

子車仲行 古今人表列上下

鄭箋仲行字也

子車鍼虎 古今人表列上下

正義曰鍼虎亦名也

丁度集韻司馬光類篇又又作歲

服虔曰子車秦大夫氏也

史記作子與

蘇氏曰三良之死穆公之命也康公從其言而不改其亦異于魏顆矣

按秦穆公違蹇叔之言殺師一敗至于匹馬隻輪不返禍已酷矣卒也殺良殉節康公竟從其命尚得謂幹蠱之子乎文六年左傳秦伯任好卒以子車氏之三子爲殉皆秦之良也秦本紀云穆公卒葬雍從死者百七十七人然則死者不止三良矣漢書匡衡傳謂秦穆公貴信士而士多從死應劭曰秦穆公與羣臣飲酒酣公曰生共此樂死共此哀于是奄息仲行鍼虎許諾及公薨皆從死黃鳥詩所爲作也若然是從君子昏何良之有揚子亦謂三良嘗許穆公以殉死故鑿其壙之側以從之而實其言說雖不同要之康公聽其殉死以從父命亦不仁之甚者矣

晨風

康公小序 古今人表列中中作秦康公

秦康公名罃穆公之子在位十二年諡法安樂撫民曰

康

史記穆公子四十人其太子營代立是為康公

韓非子秦康公築臺三年荆人起兵將欲以兵攻齊任

妄曰飢召兵疾召兵勞召兵亂召兵君築臺三年今荆

人起兵將攻齊臣恐其攻齊為聲而以襲秦為實也不

如備之成東邊荆人輟行

詩補傳康公以魯文公七年立是年即與晉人戰于令

狐十年又伐晉十二年又與晉人戰于河曲十六年又

與楚人滅庸康公征伐之事見于春秋經傳者如此

人表考秦康公母晉獻公女名營何休公羊注誤作嬰立十二年

詩氏族考卷三

七翠琅玕館叢書

葬詢社

按春秋文公七年晉人及秦人戰于令狐令狐之役

康公為送晉公子雍也晉襄公于文六年八月卒十

月葬秦人豈不知已立靈公乃于次年四月徇先蔑

之請而以師強納公子雍是誠何心哉汪氏克寬謂

康公始為太子送舅氏而念母之不見今乃納庶孽

而奪嫡甥之位豈非害良乎馬驥釋史亦謂秦康公

晉甥也渭陽之詩克念舅氏而即位以來日與晉構

難夫非舅氏之國與晉實不能親秦既求君子其國

又變計而擊之令狐河曲漸爲仇讎于是二國之怨  
彌深秦楚之交始合矣蓋觀于康公之爲人宜詩于  
晨風刺其忘穆公之業于無衣刺好攻戰繼以渭陽  
之詩譏其以甥之國而尋諸仇讎也

又按篇末錄渭陽之詩康公愛舅之心厚矣其爲太  
子之時念母不見其思念如此至于文公七年方卽  
位其送舅氏已十七年後猶能追感其事則爲康公  
者可謂孝矣然秦自伐殺之後日尋干戈以相征討  
昏姻之道旣絕遂爲仇讎之邦使康公卽位能推其  
愛舅之心釋舊憾而修新好則秦晉之民不勝其幸  
其爲孝豈不大哉此李迂仲之說也其論甚正

渭陽

文公

小序

古今人表列中上作晉文公

晉文公名重耳獻公之子在位九年諡法愍民惠禮曰  
文

國語文公學讀書于曰季三日曰吾不能行咫聞則多  
矣對曰然而多聞以待能者不猶愈乎

史記晉文公重耳自少好士年十七有賢士五人曰趙

詩氏族考卷三

八翠琅玕館叢書

衰狐偃咎犯賈佗先軫魏武子自獻公爲太子時重耳固已成入矣獻公卽位重耳年二十一獻公十三年以驪姬故重耳備蒲城守秦二十一年獻公殺太子申生驪姬讒之恐不辭獻公而守蒲城二十二年獻公使宦者履鞮趣殺重耳重耳踰垣宦者逐斬其衣袪遂奔狄是時重耳年四十三重耳出亡凡十九歲而得入時年六十二矣文公元年夏周襄王以弟帶難出居鄭地來告急晉二年三月晉乃發兵至陽樊圍溫入襄王子周殺王弟帶襄王賜晉河內陽樊之地五年次城濮與楚兵合戰楚兵敗獻俘于周天子使王子虎命晉侯爲伯賜大輅彤弓矢百族弓矢千秬鬯一卣珪瓚虎賁二十人晉侯三辭然後稽首受之

詩氏族考卷三

九翠琅玕館叢書

國語襄王使太宰文公及內史興賜晉文公命上卿逆于境晉侯郊勞館諸宗廟饋九牢設庭燎及期命于武宮設桑主布几筵太宰涖之晉侯端委以入太宰以王命命冕服內史贊之三命而後卽冕服旣畢賓饗贈餞如公命侯伯之禮而加之以宴好內史興以告王曰晉不可不善也其君必霸及惠后之難王出在鄭晉侯納

之襄公十六年立晉文公二十一年以諸侯朝于衡離  
且獻楚捷遂爲踐土之盟于是乎始霸  
淮南子晉文君大布之衣牂羊之裘韋以帶劍威立于  
海內

世本古義案文公未得國之時父事狐偃師事趙衰長  
事賈佗左傳鄭叔詹所謂有三士足以上人而從之是  
也厥後反國外傳紀其紀善援能官方定物愛親戚明  
賢良事考老禮賓旅友故舊胥籍狐箕等十一族實掌  
近官諸姬之良掌其中官異姓之能掌其遠官大夫食  
邑士食田以至工商阜隸官宰無不食餼于官其欲益  
無厭物色多方可知已

詩氏族考卷三

十一 翠琅玕館叢書

人表考晉文公獻公子母大戎狐季姬骨體駢脅春秋  
左傳曰公子重耳亦曰晉侯重耳亦曰晉重耳商隱集  
曰晉耳呂氏春秋曰晉公楚辭淮南子曰文君文選單  
稱文立九年卒葬絳縣東南二十里

按晉文公之入不書于春秋故左氏于僖二十四年  
傳云春王正月秦伯納之不書不告入也公及夫人

嬴氏至自玉城秦伯送衛三千人實紀綱之僕康公

爲太子送至渭陽復有乘黃瑰佩之贈亦云厚矣君子是以于殺之役墨經興戎不能無譏于晉襄也

麗姬小序 古今人表列下下作晉驪姬

穀梁傳驪作麗

國語獻公卜伐驪戎史蘇占之曰勝而不吉遇兆挾以銜骨齒牙爲搯戎夏交粹且懼有口憊民國移心焉公不聽伐驪戎克之獲驪姬以歸有寵立以爲夫人 公之優曰施通于驪姬驪姬問曰吾欲作大事而難三公子之徒如何對曰蚤處之是故先施讒于申生 優施

詩氏族考卷三

士翠琅玕館叢書

敘驪姬夜半而泣謂公曰吾聞申生甚好仁而彊甚寬惠而慈于民皆有所行之今謂君惑于我必亂國君其圖之是故使申生伐東山衣之偏袷之衣佩之金玦僕人贊聞之曰太子殆哉

僖四年左傳初晉獻公欲以驪姬爲夫人卜之不吉筮之吉公曰從筮卜人曰筮短龜長不如從長且其繇曰專之渝攘公之瑜一薰一蕕十年尚猶有臭必不可弗聽立之生奚齊

史記獻公五年得驪姬驪姬弟俱愛幸之

人表考驪姬左穀呂覽韓子作麗淮南檀弓楚辭作嬭  
竹書作離驪戎西戎之別在驪山者其君男爵姬姓晉  
獻公伐驪戎獲驪姬乃驪戎國艾地守封疆人之女說  
苑曰驪氏莊子曰麗之姬爲里克所殺葬絳州正平縣  
南八里

按驪姬始賂二五繼通優施掩涕工讒君心惑蠱致  
殺申生而逐二公子厥後其子奚齊及其嫡子卓子  
俱爲里克所殺列女傳云乃戮驪姬鞭而殺之天道  
好還信然

詩氏族考卷三

三 翠琅玕館叢書

秦姬

小序 古今人表列中上作秦繆夫人

史記太子申生其母齊桓公女曰齊姜蚤死申生同母  
女弟爲秦穆夫人 秦穆公與晉惠公夷吾戰于韓虜  
晉君以歸令于國齋宿吾將以晉君祠上帝夷吾姊爲  
穆公夫人聞之乃衰經跣曰妾兄弟不能相救以辱君  
命穆公曰我得晉君以爲功夫人是憂乃與晉君盟許  
歸之

列女傳穆姬者秦穆公之夫人晉獻公之女賢而有義

穆姬死穆姬之弟重耳入秦秦送之晉太子營思母之

恩而送其舅氏也

人表考秦穆夫人史秦紀記申生姊晉世家言女弟非左曰秦穆姬亦曰伯姬

按正義引莊二十八年左傳晉獻公娶于賈無子烝于齊姜生秦穆夫人及太子申生又取二女于戎大戎狐姬生重耳小戎子生夷吾是康公之母爲文公異母妹也以秦國夫人而其姓爲姬故謂之秦姬又僖十五年左傳初晉獻公益嫁伯姬于秦遇歸妹之睽史蘇占之曰不吉其繇曰土刲羊亦無益也女承

詩氏族考卷三

三翠琅玕館叢書

筐亦無貺也西鄰責言不可償也歸妹之睽猶無相也震之離爲離之震爲雷爲火爲羸敗姬車說其輶火焚其旗不利行師敗于宗邱歸妹睽孤寇張之弧姬其從姑明年其死于高梁之虛韓之戰秦獲晉侯以歸是其驗矣于時穆姬登臺履新免服衰絰以逆使穆公不以喪歸而卒反晉侯者秦姬一人之力也

陳風

宛丘

幽公小序 古今人表列下中作陳幽公

陳幽公名寧慎公之子在位二十三年諡法動祭亂常

曰幽

李樛曰武王封媯滿于陳以備三恪幽公其六世孫

按幽公之立當周厲王時世家謂幽公十二年周厲王奔于彘二十三年幽公卒陳自桓公鮑二十三年始入春秋幽公事蹟無攷觀宛邱東門之粉序屢刺淫荒游蕩則其諡幽也宜矣

東門之粉

子仲

詩氏族考卷三

古翠琅玕館叢書

毛傳子仲陳大夫氏

正義曰子仲大夫之氏姓也禮孫以王父字爲氏其祖必有字子仲者故氏子仲也

按世本古義班固地理志云武王封媯滿于陳是爲胡公妻以元女大姬婦人尊貴好祭祀用巫覡故其俗好巫鬼鄭譜言大姬無子好巫覡禱祈鬼神孔穎達云大姬無子而左傳子產云我周之自出杜預曰陳周之出者蓋大姬于後生子以禱而得子故彌信巫覡也又子仲之子嚴氏云子女子也愚案以下文

婆娑觀之字皆從女則子仲之子卽女巫是也此亦足廣異聞

原

毛傳原大夫氏

公羊傳原仲者何陳大夫也

按春秋莊二十五年陳侯使女叔來聘杜注季友相魯原仲相陳二人有舊故女叔來聘季友冬亦報聘又二十七年季友如陳葬原仲注原氏仲字也正義亦引此以證陳有大夫姓原也

詩氏族考卷三

五翠琅玕館叢書

衡門

僖公

小序 古今人表列下上作陳釐公

陳僖公名孝幽公之子在位三十六年諡法小心畏忌曰僖

史記釐公六年周宣王卽位三十六年釐公卒

世本古義歐陽修云陳僖公性不恣放可以勉進于善而惜其懦無自立之志故作詩以誘進之諡法小心畏忌曰僖公得此諡則序所謂愿而無立志益近之矣

墓門

陳佗文公之子桓公之弟也弑桓公太子免自立踰年  
爲蔡人所殺

公羊傳陳佗者何陳君也陳君則曷爲謂之陳佗絕也  
曷爲絕之賤也其賤柰何外淫也惡乎淫淫于蔡蔡人  
殺之

穀梁傳陳佗者陳君也其曰陳佗柰何匹夫行故匹夫  
稱之也其匹夫行柰何陳侯喜獵淫獵于蔡與蔡人爭  
禽蔡人不知其是陳君也而殺之何以知其是陳君也  
兩下相殺不道其不地于蔡也

詩氏族考卷三

十六翠琅玕館叢書

困學紀聞陳世家桓公鮑卒弟佗其母蔡女故蔡人爲  
佗殺五父及桓公太子免而立佗是爲厲公太子免之  
三弟長者名躍中曰林少曰杵臼與蔡人共殺厲公而  
立躍是爲利公詩正義曰案左傳桓五年文公子佗殺  
太子免而代之則是佗自殺免非蔡人爲佗殺免也六  
年蔡人殺陳佗莊二十二年傳曰陳厲公蔡出也故蔡  
人殺五父而立之五父與佗一人不得云爲佗殺五父  
也六年殺佗十二年陳侯躍卒則厲公卽是躍躍旣爲

厲公則無復利公矣既誤以佗爲厲公又稱躍爲利公皆史記之繆

詩補傳序詩者不以爲君直言陳佗蓋得春秋不稱爵書蔡人殺陳佗之旨與書衛州吁鄭忽同也使詩序不經聖人之手孰敢竊春秋之法書三君之名哉

按隱七年左傳云陳及鄭平陳五父蒞盟及鄭伯盟  
欽如忘洩伯曰五父必不免不賴盟矣桓五年傳甲  
戌己丑陳侯鮑卒于是陳亂文公子佗殺太子免而  
立之杜注佗桓公弟五父也五父與佗本是一人佗  
之不義莫大于殺太子免以亂其國色荒禽荒猶其  
惡之小者列女傳云辯女者陳采桑之女也晉大夫  
解居甫使于宋道過陳遇采桑之女止而戲之曰女  
爲我歌我將舍女女乃歌曰墓門有棘斧以斯之夫  
也不良國人知之大夫又曰爲我歌其二曰墓門有  
梅有鴉萃止言不獨國人知棘上猶有鴉大夫乃服  
而釋之然則陳佗之惡至采桑女亦能歌其詩君子  
謂其真正而有辭柔順而有守其後屈原天問亦用

詩氏族考卷三

七翠琅玕館叢書

其事

防有鵲巢

宣公

小序

古今人表列下上作陳宣公杵臼

陳宣公名杵

公羊傳作處

曰桓公之子莊公之弟在位四十

五年諡法聖善周聞曰宣

史記宣公三年楚武王卒楚始彊十七年周惠王娶陳女爲后二十一年宣公後有嬖姬生子欵欲立之乃殺其太子禦寇禦寇素愛公子完完懼禍及已乃奔齊桓公使爲工正齊懿仲欲妻陳敬仲卜之占曰是謂鳳皇于飛和鳴鏘鏘有媯之後將育于姜五世其昌竝于正

詩氏族考卷三

六翠琅玕館叢書

卿八世之後莫不與京四十五年宣公卒子欵立

按陳宣公以莊二年立五年會齊人於人蔡人伐衛

十三年又會于北杏十四年伐宋十五年會于鄆是

時齊桓始霸以陳爲三恪遂進之以序衛上終于春

秋十六年會于幽二十七年又會于幽僖四年會侵

蔡遂伐楚五年會王世子于首止七年寧母之會八

年洮之盟則使世子欵往焉然則宣公當齊襄桓時

屢盟盟壇共襄戰績定王嗣靖楚氛陳宣與有勞焉

且陳介齊楚之間故僖四年齊人執陳轅濤塗以其

有叛齊卽楚之漸秋及江人黃人伐陳左氏謂討不忠也而陳卒未嘗背盟顯爲楚援齊桓倡霸數十年而彊楚帖服亦以陳宣未有貳也是年冬公孫茲帥師侵陳論者俱罪齊桓責其待陳太甚宣公固可與有爲者也唯殺其太子御寇欲立嬖姬子欵雖陳人之志實公之志也則不得捨其胥矣

株林

靈公

小序 古今人表列下下作陳靈公

陳靈公名平國其公之子在位十五年諡法不勤成名

詩氏族考卷三

十九翠琅玕館叢書

曰靈

宣九年左傳陳靈公與孔靈儀行父通于夏姬皆衷其袒服以戲于朝洩冶諫曰公卿宣淫民無效焉且聞不令公告二子遂殺洩冶 十年陳靈公與孔靈儀行父飲酒于夏氏公謂行父曰徵舒似汝對曰亦似君徵舒病之公出自其廐射而殺之二子奔楚

詩集傳名物鈔靈公者胡公之十八世孫也靈公十五年弑當周定王之八年魯宣公之十年

說苑陳靈公行僻而言失泄冶曰陳其亡矣吾驟諫君

君不吾聽而愈失威儀人君之動不可不慎也今君不  
是之慎而縱恣焉不亡必弑靈公聞之以泄治爲妖言  
而殺之後果弑于微舒

人表考案陳之先有武公靈何以諡靈左氏曰靈疾呂  
氏春秋曰陳

按陳靈公于晉靈之世同盟于新城盟于扈矣又同  
伐宋會裴林伐鄭再侵鄭矣周旋壇坫恃晉以安晉  
成嗣立甫四年卽與衛人侵陳越二年楚又伐陳七  
年晉荀林父復帥師伐陳趙鵬飛曰晉合諸侯于扈

詩氏族考卷三

王翠琅軒館叢書

以求陳陳靈叛晉卽楚楚滅舒蓼陳懼而歸晉旣而  
楚師伐陳則陳復爲楚陳之從違晉楚之間雖非得  
已然亦失所歸矣又曰陳不幸當晉楚之衝使有桓  
文之君則陳固不樂從楚矣彼晉成庸庸耳何足以  
宗諸侯而抗楚乎宜陳之不能自固而復爲楚也馬  
驢云楚人雄視南服伺釁而動辰陵之盟陳成公業  
已從事矣無端而受孔儀之訟宣言討罪實欲兼陳  
輿論不協猶立夏州姬氏弗誅而庇其亂臣是可謂  
之霸討乎夫微舒弑逆車裂以徇于國誠快舉也孔

儀逢惡而擅殺忠臣其罪豈宜未滅既誅夏南以謝靈公亦當誅孔儀以謝洩冶乃狃于二子之先託強納于陳以亂人國左氏以爲有禮無乃春秋所不許與此論是也

夏姬 小序 古今人表列下下

鄭箋夏姬陳大夫妻夏徵舒之母鄭女也徵舒字子南夫字御叔

正義曰昭二十八年左傳叔向之母論夏姬云是鄭穆公少妃姚子之子子貉之妹也子貉早死而天鍾美于是陳公子夏爲御叔娶于鄭穆公女生子南子南之母亂陳而亡之

詩氏族考卷三

王翠琅珩館叢書

李樛曰夏姬鄭穆公之女靈公之妹嫁于陳大夫公子夏御叔也本姬姓故以姬爲氏爲夏氏之婦故曰夏姬列女傳陳女夏姬者大夫夏徵舒之母也其狀美好無匹內挾技術益老而復壯者三三爲王后七爲夫人公侯爭之莫不迷惑失意公孫盩儀行父與陳靈公皆通于夏姬

按徵舒父御叔于靈公爲從祖父乃帥其卿佐以淫

于夏氏故周語單襄公謂之瀆姓

### 夏南

楚語陳宣公公子夏爲御叔娶于鄭穆公女生子南  
正義曰徵舒祖字子夏故爲夏氏徵舒字子南以氏配  
字謂之夏南楚殺徵舒左傳謂之戮夏南是知夏南卽  
徵舒也

按史記謂徵舒伏弩殿門射殺靈公孔靈儀行父皆  
奔楚靈公太子午奔晉徵舒自立爲陳侯然左氏不  
言徵舒自立遷說未可信也又左傳宣十一年冬楚

### 詩氏族考卷三

玉翠琅玕館叢書

子爲陳夏氏亂故伐陳謂陳人無動將討于少西氏  
少西者徵舒祖子夏之名遂入陳殺夏徵舒轅諸栗門因黜陳夏  
姬淫亂貽禍陳國固罪不勝誅矣

### 曹風

### 蜉蝣

昭公

小序

古今人表列中下作曹昭公班

曹昭公名班僖公之子在位九年諡法威儀恭明曰昭  
鄭譜昭公好奢而任小人曹之變風始

按曹昭公以閔元年立僖元年春與齊師宋師次聶

北狄邢夏城邢秋會于裡四年春會侵蔡遂伐楚冬  
公孫茲帥師會侵陳五年夏會王世子于首止六年  
夏會伐鄭則昭公當齊桓之世屢與盟壇備勤戰績  
者也七年秋書曹伯班卒冬書葬曹昭公黃氏震曰  
七月卒冬而葬時也

候人

其公

小序 古今人表列下中作曹其公

曹其公名襄昭公之子在位三十五年諡法執事堅固

曰其

詩氏族考卷三

重翠琅玕館叢書

淮南子晉公子重耳過曹曹君欲見其骭晉使之袒而  
捕魚

韓非子重耳卽位三年舉兵伐曹因令人告曹君曰懸  
叔瞻而出之我且殺而以爲大戮又令人告釐負羈曰  
軍旅薄城我知子不違也其表子之間寡人將以爲令  
令軍勿敢犯曹人聞之率其親戚而保釐負羈之間者  
七百餘家

按其公麻事齊桓宋襄晉文三伯主當齊桓時盟洮

以謀王室會葵邱以修好再會鹹以謀王室盟牡邱

以救徐伐厲之役則唯曹師與焉姜氏實曰諸侯志  
怠不欲重煩而曹其之位齊所定也故獨勞之桓之  
衰也宋人弑伐曹矣宋襄圖伯復同伐齊以納孝公  
桓公當日既失然存之義而輕屬幼少乃長子無虧  
既嗣立雖以宋襄爲主奉少奪長以亂齊國而曹伯  
亦不能無咎矣輕從宋師以亂齊復盟曹南而背宋  
宜無解宋人之圍也晉文公出亡過曹其公欲觀其  
駢脅雖淮南子袒捕之說固屬不經第如左氏言其  
裸浴薄觀無禮已甚無怪文公得國甫三年卽興侵

詩氏族考卷三

西翠琅玕館叢書

曹之師遂入曹執曹伯左傳稱晉文公入曹數之以  
其不用僖負羈而乘軒者三百人且曰獻狀詩所云  
三百赤芾卽其事也觀于此而共公之昏闇寡才可  
見已又曹伯襄復歸于曹遂會諸侯圍許傳云晉侯  
有疾曹伯之豎疾孺負筮史使以曹伯解公說復曹  
伯張氏洽曰共公迫于晉之威令一年拘執而得釋  
遂會于圍許之役曹之弱可憫也共公之復在僖二  
十八年至文九年經書曹伯襄卒中閔十四年並不  
見于春秋噫勢弱難支幾不得列于諸侯矣此風所

以終曹與

下泉

郇伯

古今人表列中上作郇侯

毛傳郇伯郇侯也諸侯有事二伯述職

鄭箋郇侯文王之子爲州伯有治諸侯之功

說文郇周武王子所封國在晉地

正義曰僖二十四年左傳富辰稱畢原酆郇文之昭也知郇伯是文王之子時爲牧下二伯治其當州諸侯也武王成王之時東西大伯惟有周公召公太公畢公爲之無郇侯者知爲牧下二伯也

詩氏族考卷三

玉翠琅玕館叢書

八表考郇伯逸周書曰荀叔案郇荀洵三字古通故本書地理志洵邑師古謂讀與荀同應劭引春秋桓九年荀侯作郇侯惟孔晁周書注云荀叔成王弟疑武字譌成而高氏春秋地名攷據之以郇是文昭在絳州荀是武穆在解縣判爲兩國殊不可信

按竹書載昭王六年王錫郇伯命不知其所表見說文荀从艸旬聲臣鉉等案今人姓荀氏本郇侯之

後宜用郇字據此是後人去邑爲荀

七月

周公小序 古今人表列上七

呂氏春秋周公且文王之子武王之弟成王之叔父也  
所朝于窮巷之中襄牖之下者七十人

荀子周公之狀身如斷菑

說文周公韞僂或言背僂

白虎通周公背僂是謂強俊成就周道輔于弱主

正義曰鄭以為周公辟居之初是武王崩後三年成王

詩氏族考卷三

王翠琅 珂館叢書

年十三也居東二年罪人斯得成王年十四也迎周公  
返而居攝成王年十五也七年致政成王年二十一也  
金勝注云文王十五生武王九十七而終時武王八十  
三矣于文王受命為七年後六年伐紂後二年有疾疾  
瘳後二年而崩時年九十三矣周公以武王崩後三年  
出五年秋反而居攝四年作康誥五年作召誥七年作  
洛誥伐紂至此十六年也作康誥時成王年十八洛誥  
時年二十一即政時年二十二也然則成王以文王終  
明年生也周公王流言之年時位而出是武王崩後三

年也金縢云周公居東二年言一年者并數出年是崩  
後四年也又曰秋大孰未獲注云秋謂周公出二年之  
後明年秋也是武王崩後五年周公卽以其年返也周  
公將攝出遊流言今成王自新迎之明其返卽居攝武  
王崩後五年卽是攝政之元年王肅金縢注云武王歲  
以冬十二月其明年稱元年周公攝政遭流言作大誥  
而東征二年克殷殺管蔡三年而歸制禮作樂出入四  
年至六年而成七年營洛邑致政成王然則文王崩之  
年成王已三歲武王八十而後有成王武王崩時成王  
已十三周公攝政七年致政成王年二十金縢云武王  
既喪卽云管蔡流言周公居東則是武王崩之後管蔡  
卽流言周公卽東征也

詩氏族考卷三

三  
王翠琅玕館叢書

尚書大傳周公居攝六年天下和平越裳以三象重九  
譯而獻白雉成王以歸周公曰德澤不加焉則君子  
不饗其質政令不施焉則君不臣其人吾何獲此賜也  
其使請曰吾受命吾國之黃耆曰久矣天之無別風淮  
雨意者中國有聖人乎有則盍往朝之周公乃薦于宗

廟 周公攝政一年救亂二年克殷三年踐奄四年建

侯衛五年營成周六年制禮作樂七年致政

古今注周公治致太平越裳氏重譯來貢白雉一黑雉二象牙一使者迷其歸路周公錫以文錦二疋駟車五乘皆爲司南之制使越裳氏載之以南

風俗通周公年九十九

書序周公在豐將沒欲葬成周薨成王葬于畢告周公作亳姑

人表考周采地爲上公故謂周公諡曰文國語竹書曰

周文公後書抱朴子曰公且晉書曰姬且亦曰周且楚

詩氏族考卷三

天翠琅玕館叢書

辭呂氏春秋曰叔且文選曰姬公後書曰至聖唐高祖高宗時以周公爲先聖天授元年封褒德王宋大中祥符元年封文憲王年九十九從文王之墓葬于畢

按詩傳云管未封于邶與蔡未霍未康未監殷四國害周公康未諫不聽三未遂以殷畔康未憂王室賦柏舟管未將畔大夫諫之賦雄雉管未以殷畔邶人風之賦匏有苦葉仕者苦之賦北門三未葺周公邶人風之賦牆有茨三未以殷畔遂伐衛邶人從軍其妻念之賦伯兮詩傳係豐坊僞撰其說多與毛鄭不

同以邶鄘屬之管蔡亦本班志而稍異耳

鳴鴉

成王

小序 古今人表列上中作成王誦

帝王世紀武王妣太公之女曰邑姜修教于內生太子誦

皇王大紀西伯納呂尚之女曰邑姜爲妣邑姜賢立未嘗倚坐未嘗倨怒未嘗厲是年生子誦

新書周后妃妊成王于身立而不跛坐而不差笑而不喧獨處而不倨雖怒而不詈胎教之謂也成王生仁者

詩氏族考卷三

元翠琅玕館叢書

養之孝者襁之四賢傷之成王有知而選太公爲師周公爲傳前有與計而後有與慮也是以封于泰山而禪于梁父朝諸侯一天下由是觀之立左右不可不練也周成王年六歲卽位親以其身見于弼子之家而問焉曰敢問興國之道柰何弼子對曰君思善則行之聞善則行之知善則行之位敬而常之行信而長之則興國之道也成王曰受命矣

家語武王崩成王年十有三而嗣立明年夏六月旣葬冠成王而朝于祖以見諸侯周公命祝雍作頌曰祝王

辭達而勿多也祝雍辭曰使王近于民遠于年晉于時  
惠于財親賢而任能其頌曰令月吉日王始加元服去  
王幼志服王袞職欽若昊天六合是式率爾祖考永永  
無極此周公之志也

古史考成王將加元服周公使人來霄陵取文竹爲冠  
史記成王既伐東夷息慎來賀王賜榮伯作賄息慎之  
命

帝王世紀成王定鼎于郊鄔其南名定鼎門蓋九鼎所  
從入也

詩氏族考卷三

三翠琅玕館叢書

人表考成王誦竹書誦作庸在位三十七年葬咸陽

詩氏族考卷第三

嘉興 李超孫 輯

小雅

常棣

管

蔡小序  
蔡叔度

古今人表並列下下作管叔鮮

史記武王既克殷紂平天下封功臣昆弟于是封叔鮮于管封叔度于蔡相紂子武庚祿父治殷遺民武王既崩成王少管叔蔡叔挾武庚以作亂管蔡武庚等反周公乃奉成王命與師東伐作大誥遂誅管叔殺武庚

詩氏族考卷第四

一翠琅玕館叢書

放蔡叔二年而畢定

帝王世紀自殷都以東為衛管叔監之殷都以西為鄘蔡叔監之殷都以北為邶霍叔監之是謂三監

困學紀聞詩譜以三叔為三監孫毓云三監當有霍叔鄭義為長

尚書大傳武王殺紂而繼公子祿父使管叔蔡叔霍叔監祿父武王死成王幼周公盛養成王使召公奭為傅周公身聽天下之政管叔蔡叔疑周公流言于國曰公將不利于王奄君薄姑謂祿父曰武王既死矣今王尚

幼周公見疑矣此百世一時也請舉事然後祿父及三  
監叛

人表考管叔名鮮文王子墨子作關叔晉語管叔初亦  
爲蔡輿蔡叔稱二蔡經史諸子俱言周公誅之逸書言  
經而卒蔡叔名度文王子杜世族譜云侯爵書孔傳言  
以罪放而卒

案正義引左傳言周公弔二叔之不咸鄭眾賈逵以  
二叔爲管蔡馬融以爲夏殷之叔世鄭志張逸問云  
周仲文以左氏論之三辟之輿皆在叔世謂三代之

詩氏族考卷第四

二翠琅玕館叢書

末二叔宜爲夏殷末也鄭答注云左氏亦云管蔡耳  
竊以左傳謂周公弔二叔之不咸而作常棣詩序言  
閔管蔡之失道故作常棣可知二叔卽管蔡也

出車

南仲

古今人表列上下作南中

毛傳南仲文王之屬

鄭常武箋南仲文王時武臣故命以爲大將

路史南仲禹後有南氏之裔

正義曰皇甫謐帝王世紀云文王受命四年周正月丙

子朔昆夷氏侵周一日三至周之東門文王閉門修德而不與戰來不與戰明退卽伐之尙書大傳四年伐犬夷注云四年伐之南仲一行并平二寇

詩補傳班固人表文王之臣無南仲豈未嘗見毛詩邪宣王之臣有南中乃南宮仲考之博古圖有王命南宮中者中仲古字通用故班固以爲南中也

世本古義南仲申培說爲宣王再命南仲伐玁狁遂平西戎漢書古今人表南仲作南中亦繫之宣王時人總因常武篇有王命卿士南仲太祖之語致誤或又疑竹

詩氏族考卷第四

三翠琅玕館叢書

書紀年宣王三年命大夫仲伐西戎謂卽此南仲然攷史記彼乃秦仲也何得相混又辨證云湯八世孫盤庚妃姜氏夢赤龍入懷孕十二月生子手抱南字長荊州號南赤龍生條孫仲爲紂將平玁狁此南仲則尹氏也春秋隱九年天王使南季來聘杜注謂南氏季字意卽南仲後也

毛詩稽古編南仲之名見出車常武二詩出車傳云文王之屬未詳其譜系路史言禹後有南氏二臣勢均爭權而國分南仲卽其後必語本周書史記解其以爲禹

後則見夏本紀贊贊云禹後有男氏索隱云系本男作南是也斯語信矣泌子萃謂殷庚子生而手把南字號南赤龍孫仲爲紂將據此則仲乃殷後非夏後不知出何典汲冢紀年云帝乙三年王命南仲距昆夷城朔方此正出車詩所詠事也又據紀年文王以文丁十二年立至帝乙三年在位五年矣而逸周書序言文王立西距昆夷北備獫狁則亦爲初年事二書語正相合意南仲以王臣會西伯出征玩詩所云自天子所謂我來矣又云王命南仲往城于方天子命我城彼朔方則紀年語頗近之但據此則南仲乃王臣非文王之屬一年而平二寇在卽位之五年不在受命之四年矣皆與毛鄭相左紀年之書非先儒所取信姑記以備攷

案常武首章言南仲太祖或誤以爲王命南仲于太

祖二章卽連言尹氏及程伯休父疑班氏人表第依

是詩類及牽列南中于尹吉父程伯休父之前遂并

繫于宣王之臣與常武毛傳以南仲爲宣王之將然

宣王時太師皇父巳子南仲稱太祖安得爲宣王將

哉毛誤解太祖爲命將于太祖之廟故有此說攷采

詩氏族考卷第四

四翠琅玕館叢書

薇序言文王以天子命將遣成拒昆夷獫狁之患  
合之是詩毛傳王殷王南仲文王之屬鄭箋西伯以  
殷王之命命其屬爲將率其非宣王時將甚著

六月

宣王 小序 古今人表列上中作周宣王靖

宣王名靜厲王之子在位四十六年諡法聖善周聞曰  
宣

史記厲王出奔彘太子靜匿召公之家太子竟得脫召  
周公二相行政號曰共和十四年厲王死于彘

詩氏族考卷第四

五翠琅玕館叢書

太子靜長于召公家二相乃共立之是爲宣王宣王卽  
位二相輔之修政法文武成康之遺風諸侯復宗周  
竹書紀年共伯干王位沈約注云大旱旣久廬舍俱焚  
會汾王崩卜于太陽兆曰厲王爲祟周公召公乃立太  
子靜共王遂歸國

困學紀聞呂成公曰古史案汲冢紀年共伯和于王位  
故諡共和左傳王子朝告諸侯曰諸侯釋位以閒王政  
宣王有志而后效官推是而言則厲宣之間諸侯有去  
其位而代王爲政者莊子曰共伯得之于邱首

漢書宣王興師命將詩人美大其功稱爲中興

正義曰王肅云宣王親伐玁狁出鎬京而還使吉甫追  
伐追逐乃至太原鄭以爲獨遣吉甫王不自行王基  
亦云六月使吉甫采芑命方叔江漢命召公唯常武宣  
王親自征耳孔晁言六月王親行常武王不親行孫毓  
亦以六月王不自行鄭說爲長

列女傳周宣姜后賢而有德非禮不言非禮不動宣王  
常早臥晏起后夫人不出房姜后脫簪珥待罪于永巷  
使其傅母通言于王曰妾之不才至使君王失禮而晏

詩氏族考卷第四

六翠琅玕館叢書

朝以見君王樂色而忘德也夫苟樂色必好奢窮欲亂  
之所興也原亂之興從婢子起敢請婢子之罪王曰寡  
人不德實自有過非夫人之罪也遂復姜后而勤于政  
事早朝晏退卒成中興之名君子謂姜后善于威儀而  
有德行

琴錄周宣王有琴曰嚮風背銘云牆有耳伏寇在是武  
王之遺器也宣王每朝姜后輒以此銘援琴奏宣王于  
是益兢兢不忘

困學紀聞宣王三十年有兔舞于鎬京而赫赫宗周有

寢微之象矣

周春秋周杜伯之國名爲恆爲周大夫宣王之妾曰女鳩欲通之杜伯不可女鳩訴之宣王曰恆竊與妾交宣王信之因杜伯于焦其友左儒爭之九諫而王不聽王使薛甫與司工錡殺杜伯左儒死之杜伯既死卽爲人見王曰恆之罪何哉召祝而以杜伯語告之祝曰何不殺錡以謝宣王乃殺錡司工錡爲人而至曰臣何罪之有宣王告皇甫殺祝以兼謝焉皆爲人而至祝亦曰我焉知之奈何以爲罪而殺臣也後三年游于圃曰從人

詩氏族考卷第四

七翠琅玕館叢書

滿野日中杜伯乘白馬素車司工錡爲左祝爲右朱衣朱冠起于道左執朱弓朱矢射宣王中心折脊伏于弓矢而死

國語杜伯射王于鄆

史記宣王十二年不修藉于千畝虢文公諫曰不可王弗聽三十九年戰于千畝王師敗績宣王旣亡南國之師乃料民于太原仲山甫諫曰民不可料也宣王不聽卒料民四十六年宣王崩

案墨子亦云宣王殺其臣杜伯並不及女鳩之讒末

審周春秋何所據

吉甫

古今人表列上下作尹吉父

毛傳吉甫尹吉甫也有文有武

鄭箋吉甫此時大將也

崧高正義洪範云師尹惟日立政云三亳阪尹楚官多以尹爲號左傳稱官有世功則有官族吉甫以尹爲氏明其先嘗爲尹官而因氏焉

琴清英尹吉甫子伯奇至孝後母譖之自投江中衣荷帶藻忽夢見水仙賜其美藥惟念養親揚聲悲歌船人

詩氏族考卷第四

八翠琅玕館叢書

操  
聞而學之吉甫聞船人之聲疑似伯奇援琴作子安之操

琴操履霜操尹伯奇所作也伯奇無罪爲後母讒而見逐乃集芰荷以爲衣採檉花以爲食晨朝履霜自傷見放于是援琴鼓之而作操 伯奇放于野宣王出遊吉甫從乃作歌以言感之宣王聞之曰此孝子之辭也吉甫乃求伯奇于野而射殺後妻

世本古義趙岐孟子注伯奇仁人而父虐之故作小弁之詩中山勝亦如此說劉更生且以伯奇爲王國子正

謂繼母欲立其子伯封而譖之王王以信之王充論衡亦云伯奇放流首髮蚤白故詩云維憂用老案琴操云尹吉甫子伯奇事親甚孝甫娶後妻欲害伯奇乃取蜂去尾而自著衣領上伯奇恐其螫也趨而掇衣後妻呼曰伯奇牽我衣吉甫聞之曰唉伯奇懼走之野履霜以足采芣花以食其鄰大夫憫伯奇無罪爲賦小弁以諷吉甫吉甫悟逐後妻而召伯奇伯奇至請父復後母吉甫從之後母感伯奇孝化而爲慈諸家之說蓋本于此人表考尹吉甫周尹佚之後謂尹本官名恐非

詩氏族考卷第四

九翠琅玕館叢書

案吉甫與張仲友亦可知爲孝友人矣故其子伯奇以至孝稱伯封又克盡友愛其家聲有自來也而乃惑于後妻之讒伯奇真不幸矣哉無怪履霜多怨怫之辭然如琴操謂吉甫求伯奇于野而殺後妻則伯奇固未嘗被殺而後妻之讒終以敗露是則吉甫之過尙可與天下共見乎

又案趙岐孟子注云伯奇作小弁之詩韓詩云黍離伯封作陳思王植令禽惡鳥論曰昔尹吉甫信後妻之讒而殺孝子伯奇其弟伯封求而不得作黍離之

詩其說雖異皆可見憂時遭讒之苦伯封與伯奇異  
母而篤于至性如是晉時王覽之于王祥殆聞風而  
起者歟

張仲

古今人表列上下作張中

毛傳張仲賢臣也使文武之臣征伐與孝友之臣處內  
鄭箋張仲吉甫之友其性孝友

正義曰爾雅李巡注云張姓仲字其人孝故稱孝友  
路史帝鴻氏次妃生擲造弧矢受封于張爲張氏

唐書宰相世系表少昊第五子擲始制弓矢子孫賜姓

詩氏族考卷第四

十翠琅玕館叢書

張氏周宣王時有卿士張仲其後裔事晉爲大夫  
困學紀聞張良張仲三十代孫

接靈應寶錄稱梓潼神降生于周初爲張善勳性至  
孝宣王時又降生于張元忌家爲張仲以孝友著稱  
顧再世降生道書神異之說不足信也

采芑

方叔

古今人表列上下

毛傳方叔宣王卿士也受命而爲將

正義曰巾車金路同姓以封今方叔所乘者或方叔爲

同姓也又下云方叔元老則方叔五官之長是上公也  
上公雖非同姓或亦得乘金路

路史周書武王命伐方乃商圻內地地方叔采地

十國名紀方采地方叔周之族卿

### 節南山

幽王

小序 古今人表列下下作幽王宮涅

幽王名宮涅宣王之子在位十一年諡法動祭亂常曰

幽

史記幽王二年西周三川皆震是歲三川竭岐山崩三

### 詩天疾考卷第四

上翠琅玕館叢書

年幽王嬖愛褒姒褒姒不好笑幽王欲其笑萬方故不  
笑幽王爲烽燧大鼓有寇至則舉烽火諸侯悉至至而  
無寇褒姒乃大笑幽王說之爲數舉烽火其後不信諸  
侯亦不至幽王以虢石父爲卿用事國人皆怨又廢申  
后去太子申侯怒與繒西夷犬戎攻幽王幽王舉烽火  
徵兵兵莫至遂殺幽王驪山下

後漢書幽王命伯士伐六濟之戎軍敗伯士死焉

述異記周幽王時牛化爲虎羊化爲狼洛南有避狼城

云幽王時羣羊爲狼食人故築城避之

人表考幽王楚辭曰周幽魯語單稱幽在位十一年申  
繪犬戎攻王驪山下滅于戲 案字書無涅字而幽王  
之名竹書皇王大紀單作涅此表及杜世族譜周晉語  
注作宮涅周紀作宮涅詩王風譜疏引紀作宮皇呂氏  
春秋當染注作官皇疑當依外紀古史通志作宮涅爲  
是集解徐廣曰一作生惟名涅故又作生說文腥鯉竝  
作胜鮓知古字凡从星者恆爲生也

師尹 尹氏

毛傳師太師周之三公也尹尹氏爲太師

詩氏族考卷第四

三 翠琅玕館叢書

困學紀聞尹氏不平幽王所以亡春秋于平王之末書  
尹氏卒見權臣之繼世也于景王之後書尹氏立王子  
朝見權臣之危國也詩之所刺春秋之所譏也

李樗曰春秋書尹氏卒譏世卿也其後又書尹氏立王  
子朝則尹氏之爲世卿其來甚久詩所謂尹氏太師正  
春秋所謂尹氏當幽王之時專政至平王之世猶爲卿  
故春秋之末猶且專權則其爲世卿也明矣

世本古義尹氏吉甫之後太師三公之首公羊傳云尹

氏者何天子之大夫也其稱尹氏何貶曷爲貶譏世卿

世卿非禮也何休云世卿者父死子繼也氏者起其世也若曰世世尹氏也汪氏云宣王時吉甫已稱氏春秋唯尹武公兩伐鄭書子其餘經傳所紀悉曰尹氏疑若漢大將軍霍氏專權秉政特寵異之而不名也

案常武疏以尹氏是尹吉甫故宣王賢之使掌策命之任幽王繼世仍以尹氏爲太師是爲吉甫之裔伯封之後也詩人刺其爲政不平致召天災則忝厥祖矣錄異記云周時尹氏貴盛數代不別食口數千嘗連飢荒羅鼎鑊作糜之聲聞數十里其世族之盛亦

詩氏族考卷第四

三翠琅玕館叢書

概可見

家父

毛傳家父大夫也

鄭箋家父字周大夫也

正義曰春秋之例天子大夫稱字桓十五年天王使家父來求車以字與此同知亦是大夫也桓十五年上距幽王之卒七十五歲若幽王之初則八十五年矣古人以父爲字或累世同之宋大夫有孔父者其父正考父其子木金父此家氏或父子同字父未必是一人也

世本古義家父周大夫何休以家爲采地因以爲氏父其字也春秋桓八年天王使家父來聘十有五年天王使家父來求車皆作詩後事家父刺尹氏之不平不憚激怒于君相蓋竭忠于王室者曾幾何時風節頓墮至于曲徇王命而有求車之失人品之難恃可畏哉孔云詩人之情不一或微加諷諭或指示懲咎或隱匿姓名或自顯官字家父盡忠竭誠不憚誅罰故自載字焉詩人孟子亦此類也

案杜氏預謂家父天子大夫家氏父字季氏本云家

詩氏族考卷第四

十四翠琅玕館叢書

氏父名蓋天子之元士作詩者自謂家父作誦而可不名稱乎說雖近理然如儀禮伯某甫以父爲字則當從字爲正

正月

褒姒

古今人表列下下

毛傳褒國也姒姓也有褒國之女幽王惑焉而以爲后史記昔自夏后氏之衰有二神龍止于帝庭而言曰余褒之二君夏帝卜請其鬻而藏之至厲王末發而觀之鬻流于庭化爲元龜入王後宮童妾既亂而遭之既筭

而孕無夫而生子懼而棄之宣王之時童女謠曰屢弧箕服實亡周國于是有夫婦賣是器者宣王使執而戮之逃干道而見鄉者後宮所棄妖子出于路者聞其夜啼哀而收之夫婦遂亡犇于褒褒人有罪請入童妾所棄女子于王以贖罪棄女子出于褒是爲褒姒當幽王三年王之後宮見而愛之生子伯服竟廢申后及太子以褒姒爲后犬戎攻殺幽王虜褒姒而去

白華正義帝王世紀云幽王三年嬖褒姒褒姒年十四然則宣王立四十六年崩是先幽王之立十二年而生

詩氏族考卷第四

五翠琅玕館叢書

其生在宣王三十六年也厲王流彘之歲爲共和十四年而後宣王立自宣王三十六年上距流彘之歲爲五十年流彘時童妾七歲則生女時母年五十六凡在母腹五十年其母共和九年而笄年十五而孕自孕後尙四十二年而生作爲妖異故不與人道同

列女傳幽王惑于褒姒出入與之同乘不恤國事驅馳弋獵不時以適褒姒之意飲酒沈湎倡優在前以夜繼晝忠諫者誅唯褒姒言是從上下相諛百姓乖離

案上古聖人往往感情而生相傳孕之久者庖犧十

二年而生近者黃帝二十四月而生堯契竝十四月  
而生外此亦不多見褒妣既絕人道據世紀嬖褒妣  
之年合史記童妾既笄而孕在母腹至五十年之久  
其爲妖異則信然矣

十月之交

皇父

古今人表列下下作星父卿士

鄭箋家伯仲允番聚蹶橈六人之中雖官有尊卑權寵  
相連朋黨于朝皇父則爲之端首兼擅羣職故但目以  
卿士云

詩氏族考卷第四

六翠琅玕館叢書

正義曰皇父家伯仲允皆字蓋與后同姓劓也其番聚  
蹶橈皆氏蓋后氏之外親也

竹書紀年幽王元年王錫太師尹氏皇父命

困學紀聞宣王太師皇父之後爲皇父卿士

詩補傳常武詩宣王所命之卿士論其世則以南仲爲  
太祖官則太師字則皇父也皇父既爲文王時名臣南  
仲之後宣王復命爲將可謂光顯矣至幽王時猶爲卿  
士十月之交所謂皇父卿士是也

世本古義據竹書載宣王二年錫太師皇父命又載幽

王元年錫太師尹氏皇父命系尹氏于皇父之上所以別于宣王時之皇父耳

人表考皇氏父字世本云姜姓

案皇甫本文王時武臣南仲之裔故常武首章曰南仲太祖太師皇父箋云宣王命卿士爲大將乃用其以南仲爲太祖者今太師皇父是也正義曰皇父爲卿士太師三公之名謂三公而兼卿士之官十月之交皇父擅恣若爲厲王則在先幽王則在後皆相接連與此皇父得爲一人夫以南仲爲祖而有皇父之專權倡亂是子孫之弗類也

詩氏族考卷第四

七翠琅玕館叢書

番 古今人表列下下作司徒皮

顏師古曰司徒皮卽詩所謂蕃維司徒是也

鄭箋司徒之職掌天下土地之圖人民之數卿也

崔琦外戚箴云匪賢是上番爲司徒荷爵負乘采食名都詩人是刺德用不憚

釋史鄭譜以十月爲厲王詩箋云幽王時司徒鄭桓公友非番也然此詩在六年而鄭桓公爲司徒在八年鄭

說非是

世本古義蕃疑卽樊仲山甫之後據漢書作皮顏師古漢書注作蕃韓詩作繁案古文蕃蕃皮繁樊五字皆通用卜式傳隨牧畜蕃卽蕃也路史載有虞氏後有蕃國者其地在漢屬魯國亦名蕃城而引白褒魯國記云陳子游爲魯相太尉陳蕃子也國人爲諱蕃改曰皮是蕃與蕃通蕃與皮通之證也儀禮君射則皮樹中今文皮作繁音婆是皮與繁通之證也左傳繁纓以朝禮記作大路樊纓是繁與樊通之證也此詩若皇父之先爲尹吉甫蹶之先爲蹶父而率犬戎以攻周者其先爲申伯皆宣王時臣則蕃之爲仲山甫後可類推矣

詩氏族考卷第四

大翠琅玕館叢書

錢大昕曰蕃音婆古讀皮如婆

案番本或作潘韓詩作繁人表作皮攷魯國有蕃縣應劭曰蕃音皮是蕃有皮音故亦作皮也白褒魯國記云陳逸子游爲魯相蕃子國人爲諱改曰皮然蕃繁皆有皮音白褒晉人未識古音故有是說

家伯

古今人表列下下作太宰冢伯

鄭司農周禮宰夫注詩謂家伯維宰謂此宰夫也

鄭箋冢宰掌建邦之六典卿也

正義曰周禮有太宰卿小宰鄉大夫宰夫下大夫王肅以此宰爲小宰鄭以爲冢宰者以司徒內史等六官是列職之事五者皆是一官之長宰不當獨爲太宰之佐以此知是冢宰也

案人表太宰冢伯是冢伯作冢伯天官注云百官總焉謂之冢左傳注作家字何氏云冢者采邑伯字也冢伯卽冢父之先也冢當爲冢字之譌段玉裁亦云當作家伯今本譌冢

仲允

古今人表列下下作膳夫中術

詩氏族考卷第四

五翠琅玕館叢書

顏師古曰膳夫中術卽所謂中允膳夫也

鄭箋膳夫上士也掌王之飲食膳羞

世本古義仲允鄭云字也人表作中術未詳何許人

聚子

古今人表列下下作內史聚子

鄭箋內史中大夫也掌爵祿廢置殺生子奪之法

正義曰番聚蹶橐單言人聚子以子配之若曾子閔子

然

世本古義聚韻會云聚姓也襄州有之故知是氏季本云稱氏繇世族而進用也稱子者年尙少也

案聚人表作撮撮本作聚鄭云氏也字統云聚姓也  
詩小雅聚子內史

又案正義所云聚子以子配不必援曾閔爲例祇是  
男子之通稱毛則以爲聚氏之子

蹶 古今人表列下下作趣馬蹶

鄭箋趣馬中士也掌王馬之政

正義曰毛以爲蹶氏周禮序官趣馬下士一人此言中  
士誤也

案困學紀聞以蹶爲蹶父之後韓奕傳蹶父卿士也

詩氏族考卷第四

辛翠琅玕館叢書

箋云蹶父甚武健爲王使于天下國國皆至而後  
又以武力得掌馬政蓋有自己何氏云蹶本姑姓蓋  
以蹶父之字爲氏

耦 古今人表列下下作師氏萬

顏師古曰師氏萬萬讀與耦同

鄭箋師氏亦中大夫也掌司朝得失之事

正義曰毛以爲耦氏

世本古義耦顏師古曰耦者木名因樹以得姓也謂女  
寵之屬有姓耦者爲師氏之官漢書游俠傳有萬章字

子夏者其後也

案萬本作耦人表作萬萬姓急就篇有萬段卿註萬亦耦字故耦爲姓

豔妻

毛傳豔妻褒氏美色曰豔

釋文鄭云豔妻厲王后

毛詩本義毛以豔妻爲褒姒而鄭謂褒姒非王后不得稱妻遂以豔妻爲厲王之后就使褒姒不稱妻亦安知豔妻爲厲王后也案史記載厲王之事惟云好專利任

詩氏族考卷第四

三翠琅玕館叢書

用榮夷公拒芮良夫召公等諫若使豔妻用事以致流亡則不得畧而不載也厲王出奔于彘十四年本紀惟言太子靜畱匿召公家而不言王后所在及其姓氏始末前世諸書皆無之既無所見鄭氏何從而知之鄭又以七子者皆是后之親黨詩無后黨之文而豔妻姓氏本末尙皆不可知而七子者安知皆爲后黨是三者皆臆說也

世本古義豔妻謂褒姒也豔說文云好而長也从豐徐錯云容色豐滿也鄭云敵夫曰妻王安石云言其配王

以色而已非以德也是時褒姒已正位中宮矣禮天子之妻曰后此不言后而言妻者不予其爲后也又褒姒豔妻或疑是兩人以漢書攷之谷永云褒姒用國宗周以喪閻妻驕扇日以不臧班婕妤賦云悲晨婦之作戒兮哀褒閻之爲邴使厲王時別有閻妻則當序閻于褒之前不應先褒後閻也褒表其地剡仍是豔之轉音以表其色其爲褒姒而刺幽王明矣

人表考褒國姒姓幽王使爲后是爲幽后此曰豔妻後書曰褒豔 案豔亦作剡魯詩作閻毛以豔妻爲褒姒

詩氏族考卷第四

三翠琅玕館叢書

而鄭以爲厲王后謂后姓豔谷永對策褒姒與閻妻竝舉左雄上疏幽厲與褒豔對稱鄭仍此解當是三家之說然以韓奕常武之蹶皇甫例觀鄭義似有未合

案鄭箋豔妻厲王后正義引中候曰剡者醜姬以放賢刺豔古今字耳以剡對姬剡爲其姓以此知非褒姒也鄭于十月之交及雨無正等篇俱改序幽王而爲厲王宋儒歐陽修蘇轍陳鵬飛皆斥其繆詩既依序刺幽王則豔妻自宜从毛傳爲褒姒美色曰豔左

氏曰美而豔魯詩豔妻作閻妻見漢書注

雨無正

正大夫

鄭箋正長也長官之大夫

正義曰大夫而言長官者大夫是公卿之總名正大夫為一人

世本古義正大夫六官之長皆上大夫周禮八職一曰正是也

案雨無正當從韓詩為雨無極序雨無極正大夫刺幽王也篇首多二句曰雨無其極傷我稼穡疑此為

詩氏族考卷第四

玉翠琅玕館叢書

毛公脫簡今序云雨無正大夫刺幽王也以正字斷句則正大夫之稱離析不屬無以合經

何人斯

蘇公 小序

毛傳暴蘇皆畿內國名

正義曰蘇公蘇忿生之後成十一年左傳云昔周克商使諸侯撫封蘇忿生以溫為司寇則蘇國在溫杜預曰今河內溫縣是溫在東都畿內春秋之世為公者多是畿內諸侯蘇稱子此云公者蓋子爵而為三公也

世本古義蘇公據鄭語謂己姓昆吾之後左傳謂周克商撫封蘇忿生以溫爲司寇與檀伯達封于河書立政篇所謂司寇蘇公是也春秋時蘇稱子以國在溫又稱溫子此蓋以子爵而爲三公世本譙周古史考以蘇公乃蘇成公也據左隱十一年王以蘇忿生之田溫原緜樊隰鄘攢茅向盟州陘隕懷凡十二邑以與鄭人實周桓王八年也蘇公以被讒失國或在此時張守節云蘇忿生十二邑桓王奪以與鄭故蘇子同五大夫伐惠王卮言云蘇爲畿內國故桓王得以其田與鄭當時蘇之采地亦可謂廣矣然所謂原樊鄘茅其初亦皆國也豈蘇子亦有兼并與無故而奪之是以叛

暴公 小序

正義曰徧檢書傳未聞畿外有暴國今暴公爲卿士明在畿內得稱公者當卿士兼公官也

路史暴辛公采地一曰暴隄

世本古義據毛傳暴蘇皆畿內國名春秋文八年公子遂會雒戎盟于暴杜註以爲鄭地其姓未詳以世本及譙周古史考證之則此暴公爲暴辛公路史又作新公

世代無考

案世本暴辛公作塤蘇成公作篋譙周古史考謂古有塤篋尚矣周幽王時暴辛公善塤蘇成公善篋此詩末章竝言塤篋則知暴爲辛公蘇爲成公也

又案韓有將軍暴鳶秦有將軍暴鶯漢有御史大夫暴勝之豈皆暴辛公之苗裔邪蓋後人卽以國爲姓爾

巷伯

巷伯

小序

詩氏族考卷第四

玉翠琅玕館叢書

鄭箋巷伯奄官上士四人掌王后之命于宮中爲近故謂之巷伯

正義曰巷伯是內官也其官用奄內小臣而謂之巷伯釋宮云宮中巷謂之壺孫炎曰巷舍閒道也王肅曰今後宮稱永巷是巷內道名也伯長也主宮內道官之長周禮無巷伯之官蓋其官名內外臣時人以職號之稱爲巷伯

世本古義路史以巷爲伯之采邑而姓纂有巷氏者云是巷伯之後可見巷伯自有其人舊說以巷爲永巷伯

者內小臣之長云卽寺人非也周禮官名有寺人而無巷伯其非奄官審矣

寺人孟子

古今人表列中上

毛傳寺人而曰孟子者罪已定矣而將踐刑作此詩

鄭箋寺人王之正內五人旣言寺人復自著孟子者自傷將去此官也

正義曰寺人字曰孟子天官序官注云寺人之言侍也當在路寢侍王之側自傷將去此官故舉官言之

詩補傳孟姓也寺人自謂孟子亦後人以子自稱之謂

詩氏族考卷第四

玉翠琅玕館叢書

也

世本古義寺人侍王于路寢而掌王之內臣及女宮之戒令蓋奄人也孟子其字也姓名無考

大東

譚大夫

小序

古今人表列中上

鄭箋譚國在東故其大夫尤苦征役之事魯莊公十年

齊師滅譚

也本古義譚嬴姓子爵

案莊十年左傳齊侯之出也過譚譚不禮焉及其人

也諸侯皆賀譚又不至齊師滅譚譚無禮也譚子奔莒同盟故也范氏甯曰譚子國滅不名蓋無罪也凡書奔責不死社稷蓋齊桓之干譚不過以無禮一節挾其私隙而滅之原不足定譚子罪案然其疲茶不振勢實難支已非一朝夕之故矣考譚滅在莊王十三年上距幽王作詩刺亂之時僅隔九十餘年是時困役傷財已不勝供億之苦其君安于孱弱大夫第鯁鯁告病何裨于國宜其不數傳而卽見滅于齊未始不由其先積弱使然也爲大夫者當亦與有責焉

詩氏族考卷第四

毛翠琅刊館叢書

公子

毛傳公子譚公子也

案譚公子行周轉輿葛屨履霜襪褻寒涼能無淒感

信南山

曾孫

毛傳曾孫成王也

正義曰成王繼文武之後爲太平之主特異其號故詩通稱成王爲曾孫也

都人士

尹吉

毛傳尹正也

鄭箋吉讀爲媾尹氏媾氏周室昏姻之舊姓也人見都人之家女咸謂之尹氏媾氏之女言有禮法

正義曰傳言尹正也王肅云正而吉也尹既是姓則吉亦姓也故讀爲媾節南山云尹氏太師常武云王謂尹氏昭二十三年尹氏立王子朝是其世爲公卿明與周室爲昏姻也韓奕以韓媾爲汾王甥是媾與周室爲昏姻也又宣三年左傳鄭石癸曰吾聞姬媾耦其子孫必

詩氏族考卷第四

天翠琅玕館叢書

蕃媾吉人也后稷之元妃也言姬媾耦明爲舊姓以此知尹亦有昏姻矣既世貴舊姓昏連于王室家風不替是有禮法

世本古義尹吉尹氏也世爲周公卿唐宰相世系云吉氏出自媾姓黃帝裔伯儵封于南燕賜姓曰媾又后稷妃家也或作邳潛夫論云邳與媾音同而字異又姚寬云吉尹二姓俱出尹吉甫之後元和姓纂云尹吉甫之後以王父字爲氏漢有漢中太尉吉恪是也

黍苗

召伯

正義曰國語韋昭注召公康公之後卿士也左傳服虔注召穆公王卿士也經言召伯亦作上公爲二伯以兼卿士耳召公之爲卿士宣王時也

李樛曰召伯召穆公也召康公之後康公爲二伯故其後繼之亦爲伯

白華

申后小序

鄭箋申姜姓之國也

詩氏族考卷第四

三五翠琅玕館叢書

史記幽王太子母申侯女而爲后後得褒姒愛之欲廢申后并去太子宜臼以褒姒爲后以伯服爲太子

正義曰帝王世紀云幽王三年納褒姒八年立以爲后則得在三年而黜申后在八年此詩作在見黜之後

案困學紀聞申侯申伯之後厲幽二王皆娶于申故崧高傳以申伯爲宣王之舅揚之水傳以申侯爲平王之舅但史言幽王后是申侯女則申侯乃平王外祖非舅也韋昭于晉語注從之

又案正義據世紀幽王八年立褒姒則申后卽于是

年廢矣前編以申后之廢在五年綱目在九年說又互異

詩氏族考卷第四

詩氏族考卷第四

三翠琅玕館叢書

07132



